

Ciutat oun an biscut noustes ayòus ibères
Temoegn deus anciens tems, daune d'Aspe y d'Aussau
Qu'espies dab plasé deu turoun biscoundau
Très gabes arridéns bagna las arribères.
Sus toun simple blasou qu'as boulut u~~e~~ crouts,
Chens nat debis guerriè y chens bèstie estranyère
Dab la baque debat qui porte au cotch l'esquère,
Soubeni d'û passat pastourau e urous !

D'aquet parsâ biarnés, fière d'esta l'aynade,
Qu'as sabut, quoaan calè, chens pòu tira l'espade
Ta defénde tous fors, goarda ta libertat.

Y, despuch bèth tems-a apatsade y urouse,
Que t'adroùmes lou sé, quoaan la cante gauyouse
Deus gâbes bius e prous, puye au cèu estelat !